



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

VII. Decreta Eremitarum S. Aug. Provinciæ Bœticæ de instiutione
Magistrorum.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

Confirmatio
relate Com-
pilationis.

harum serie absolventes, & absolutum fore censes, huiusmodi supplicationibus inclinati omnes, & singulas Constitutiones præsertas, & in eis contenta quæcumque, auctoritate Apostolica tenore præsentium perpetuo confirmamus, & approbamus, illisque inviolabilis Apostolica firmitatis robur adjicimus, ac omnes, & singulos Juris, & facti, ac solemnitatum quarumcumque in similibus etiam de necessitate observandarum, aliove quolibet etiam formales, & substantiales defectus si qui in præmissis principaliter, vel accessorie, aut alias quovis modo intervenierint, seu intervenisse dici, censei, vel prætendi possent, penitus, & omnino supplemus, & sanamus.

Clausulæ.

§. 4. Decernentes easdem præsentis literas, ac Constitutiones præsertas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit in omnibus, & per omnia plenissime suffragari, & ab eis respectu inviolabiliter observari: Sicque in præmissis per quoscumque Judices Ordinarios, & Delegatos, etiam causarum Palatii Apostolici Auditores, ac S. R. E. Cardinales, etiam de Latere Legatos, & Apostolicæ Sedis Nuncios, aliove quolibet quacumque præminencia, & potestate fungentes, & sancturos, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus Constitutionibus, & Ordinationibus Apostolicis, ac quatenus opus sit dicti Ordinis, aliisque quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegii quoque indultis, & literis Apostolicis etiam Ordini prædicto, illiusque Superioribus, Fratribus, & personis sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, & Decretis in genere, vel in specie, seu alias quomodolibet in contrarium præmissorum quomodolibet concessis, ac pluries confirmatis, approbatis, & innovatis. Quibus omnibus, & singulis, etiam si illorum totis tenoribus, specialis, specifica, expressa, & individua, ac de verbo ad verbum non autem per clausulas generales idem importantes, mentio, seu quævis alia expressio, habenda, aut aliqua alia exquisita forma ad hoc servanda foret, tenores huiusmodi, ac si de verbo ad verbum, nihil penitus omisso, & forma in illis tradita observata, exprimerentur, vel inferrentur, iisdem præsentibus pro plene, & sufficienter expressis, & insertis habentes ad effectum præsentium, illis alias in suo robore permanentibus, harum serie derogamus, ceterisque contrariis quibuscumque.

§. 6. Volumus autem, ut earundem præsentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides tam in iudicio, quam extra illud ubique locorum habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud Sanctam Mariam Majorem sub Anno Pisc. die VII. Dec. MDCXCI. Pontificatus nostri Anno Primo.

VII.

Confirmantur quedam Decreta Fratrum Eremitarum S. Augustini Provinciae Bæticæ circa institutionem novorum Magistrorum.

Constitutio hic laudata, quo auctus fuit numerus Magistrorum extat Const. ed. 1690. Jun. 21. Pont. 1. Similes Constitutiones habentur Constit. ed. 1690. Jul. 31. Pont. 1. pro Provincia Quiven. Et Const. ed. 1692. Sept. 28. Pont. 3. pro Provincia Mexicana.

INNOCENTIUS PAPA XII.

Ad futuram rei memoriam.

EXponi Nobis nuper fecerunt dilecti filii Fratres Provinciae Bæticæ Ord. Fratrum Eremitarum S. Augustini quod cum alias fel. rec. Alex. Papa VIII. prædec. noster per quasdam suas in simili forma Brevis literas die 21. Jan. 1690. expeditas indulerit, ut de cætero senarius dictæ Provincia Magistrorum numerus ad duodenarium sub certis modo, & forma tunc expressis augetur, Capitulum Provinciale Provinciae supra dictæ novissime, videlicet anno 1691. habitum majori ipsius Provinciae bono, & decori unice intentum, ac ut incommodis, quæ exinde alias in tranquillitatis ejusdem Provinciae perturbacionem oriri potuissent, occurreret, conditiones, seu leges quasdam in Magistrorum huiusmodi institutione servandas proposuit per suum Decretum desuper emanatum tenoris, qui sequitur videlicet.

§. 1. Cum felicitis recordationis SS. Domini Nostri Alexandri Divina Providentia PP. VIII. Breve datum Romæ apud S. Mariam Majorem die 21. Mensis Januarii anno proxime præteriti 1690. Sic incipiens: Ex injuncto Nobis &c. in Archivo Provinciae asservatum, Diffinitorio constituerit, & attente cognitum fuerit, in quo prædicti Domini Nostri benignitas huic Bæticæ Provinciae fovere cupiens illi concedit Magisteriorum numerum senarium præter aliorum sex numerum, quo Provincia hæc pluries abhinc annis fruebatur; quod cum inspectum diligenter fuerit, & a PP. Diffinitorii diligentia maxima revivum, prædicti PP. decrevere dictam magisteriorum gratiam debere admitti, & acceptandam esse, sicuti de facto accipit, & admittit, his tamen servandis conditionibus: Quod prædicta magisteria sunt taliter distribuenda, ut semper partialitas Provinciae ex his sex magisteriis, quatuor obtineat, unum partialitas Hispalensis, Estremaduræ autem partialitas restans aliud. Et ut distributio hæc toto fiat Justitiæ rigore, & subjectis dignioribus prædicta magisteria conferantur, decrevit Diffinitorium, cui inest subjectorum clara notitia ad dicta magisteria numeralia, & ad sex alia, quibus potiebatur antea Provincia, non admittendos esse PP. quos non expresse, & specialiter ad magisterium numeri Diffinitorium postulaverit. Ad quem gradum nullus postulabit à Provincia, qui duodecim annorum completorum spatio publicis Philosophiæ, & Theologiæ Professor intra limites Provinciae non steterit, sexque generalium actuum Præsidentis agnoscat, ex quibus conclusionum actibus, adminus quinque Sacræ Theologiæ esse debent. Et ne dispensationes, quas ut obtineant prædicta magisteria PP. solent acquirere emeritorum jus enervantes sortiantur effectum, decernit Diffinitorium P. Reverendissimo supplicationem esse faciendam à quacumque, quam Sua Reverendissima circa hoc expedierit, dispensatione; ne qui prædictum Lectoratus tempus impleverint, dignioresque inveniantur, Junioribus, qui tempus non expleverint postponantur, ex quo solent quamplurima damna nasci, plurimæque seditiones oriri: statuit idem Diffinitorium prædictam postulationem ad numeri Magisteria nullatenus efficiendam, quousque aliquod ex prædictis vacaverit Magisterium, quæ tamen postulatione a Diffinitorio plena faciendæ est, & pro

Dat. 2. Febr.
1692. An. 1.Numerus
Magistrorum
auctus fuit ab
Alex. VIII.Causa Decre-
torum.Decretum
Capituli Pro-
vincialis.

subjectis earumdem partialitatum, quarum erant præcedentes PP. Magistri vita functi. Et tandem, ut Magisteriorum provisio rectius fiat ex duodecim numeralibus Magisteriis, quibus Provincia fungitur, ex quibus sunt sex antiqua, & noviter concessa sex, Diffinitorium Patrem Reverendissimum existentem, & pro tempore exiturum exorat, ut quando vacare contigerit numerale Magisterium, Magistrum constituat unum ex duobus, vel tribus, & non amplius a Diffinitorio proponendis, tanquam omnibus requisitis instructoribus, & dignioribus, quin P. Reverendissimus existens, vel exiturus possit obligare Provinciam, ut plures alios proponat, quam illos, quos pro prima vice ad Magisterium numerale postulavit. Quem tamen ordinem servandum rogat non solum in noviter concessis Magisteriis, sed etiam in antiquis, quæ pacifice possidet Provincia. Quibus conditionibus a P. Reverendissimo benigne admissis gratia Sanctissimi Domini Nostri, & non aliter (ob incommoda gravia inde absque dubio in pacem Provinciæ progignenda) admittitur, ita taliter quod si Pater Reverendissimus has condiciones renuerit acceptare, decernit Diffinitorium ad SSimam recurrendum, enixe rogans ut Breve prædictum nullius sit roboris, efficaciam nullius; Si autem Pater Reverendissimus prædictas approbat condiciones, statuit Diffinitorium Sanctissimum D.N. exorandum, ut dispositio hæc sua confirmatione stabilis perseveret, simul præcipiens, quod ex duodecim Magisteriis numeralibus ad partialitatem Provinciæ octo pertineant duo ad Hispalensem, & alia, quæ supersunt duo ad partialitatem Estremaduræ. Et subinde dictus filius Fulgentius Travalloni Prior Generalis dicti Ordinis suum pariter Decretum super præmissis edidit tenoris sequentis, nempe: *Magister Fr. Fulgentius Travalloni a Monte Elparo Georginas totius Ordinis Fratrum Eremitarum Sancti P. N. Augustini Prior Generalis.* Inspectis retrospectis actis capitularibus nostræ Provinciæ Bæticæ, ac de consilio admodum RR. PP. nobis Assistentium serio, ac diligenter examinatis, primo annuendum, & laudandum censuimus, quod Breve Apostolicum Alexandri fel. rec. Pape VIII. de extensione Magistrorum ad numerum duodenarium sub conditionibus expressis in primo Decreto executioni mandetur. Ita tamen, ut pro singulis locis Magistrorum de numero duodenario, quoties vacaverint, tres ad minus viri doctrina, & statutis conditionibus præditi a pleno Diffinitorio proponantur, & postulentur, ex quibus ad Reverendissimum Patrem Generalem pro tempore existentem aliquem eligere, atque in Magistrum numerarium instituire spectabit, prout meritorum, laborum, & boni Provinciæ ratio postulaverit.

Decretum Prioris Gen.

Preces PP. Provinciæ.

Confirmatio rectorum Decretorum.

§. 2. Cum autem sicut eadem expositio subjungebat, ipsi Exponentes Decreta hujusmodi quo firmius subsistant, & serventur exactius Apostolicæ confirmationis nostræ patrocínio communiti summopere desiderent: Nos specialem ipsis Exponentibus gratiam facere volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a Jure, vel ab homine quavis occasione, vel causa latis, si quibus quomodolibet innodati existunt ad effectum præsentium dumtaxat consequendum harum serie absolventes, & absolutos fore censentes, supplicationibus eorum nomine nobis super hoc humiliter porrectis inclinati, Decreta præinserta a memoratis Capitulo Provinciali, & Fulgentio Priore Generali edita, ut præfertur, cum omnibus, & singulis in eis respectivo contentis, auctoritate Apostolica tenore præsentium confirmamus, & approbamus, illisque inviolabilis Apostolicæ firmitatis robor ad-

dicimus, ac omnes, & singulos juris, & facti defectus, si qui desuper quomodolibet intervernerint supplemus.

§. 3. Decernentes easdem præsentis literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis, ad quos spectat, & pro tempore spectabit in omnibus, & per omnia plenissime suffragari, & ab illis respectivo inviolabiliter observari: Sicque in præmissis per quoscumque Judices Ordinarios, & Delegatos, etiam causarum Palatii Apostolici Auditores judicari, & diffiniri debere; ac irritum, & inane si secus super his a quocumque quavis auctoritate scienter vel ignoranter contigerit attentari.

§. 4. Non obstantibus præmissis Constitutionibus, & Ordinationibus Apostolicis, necnon quatenus opus sit Provinciæ, & Ordinis prædictorum, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indulgentiis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanentibus ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

Datum Romæ apud S. Mariam Majorem sub Annulo Piscatoris die II. Febr. MDCXCII. Pontificatus nostri Anno Primo.

Permittitur Moderatio particulæ Constitutionum Ord. SS. Trinit. Redempt. Captiv. Discalc. Congreg. Hispaniæ de nonnullis ad habitum non recipiendis.

Dicta Constitutiones confirmatae fuere a Clemente X. Const. ed. 1676. Jul. 1. Et a Clem. XI. Const. ed. 1719. Decemb. 6. P. 19. confirmatum Decretum circa mutationem habitus Donatorum.

INNOCENTIUS PAPA XII.

Ad perpetuam rei memoriam.

EXponi Nobis nuper fecit dilectus filius Petrus a Jesu Procurator Generalis Congregationis Hispaniæ Fratrum Discalceatorum Ordinis Sanctissimæ Trinitatis Redemptionis Captivorum, quod in Constitutionibus dictæ Congregationis a fel. record. Clemente PP. X. Prædecessore nostro pro quadam suas in simili forma Brevis die prima Julii 1676. expeditas literas in forma specifica confirmatis, cap. 42. §. 2. ubi agitur de personis ad habitum per fratres ejusdem Congregationis gestari solitum non admittendis, inter cætera disponitur hoc verborum tenore: *Nec etiam admittantur Neophytus, nec qui descenderit per lineam rectam in quolibet gradu a Judæis, Hæreticis, Mauris, vel Mauris, nec ullus, cujus Prædecessores per lineam etiam rectam, ac in quolibet gradu ob hæresis, vel Judæismi, vel Sectæ Mabometanae crimina puniti fuerint ab hæreticæ pravitatis Inquisitoribus: Quod si aliquis ex dictis in hac Constitutione celans aliquid ex prænarratis impedimentis, professionem fecerit apud Nos, statim ac detegatur tale impedimentum, ejiciatur, quia Religio non præstat suum consensum ad talem professionem. Quapropter omnes in publico coram Communitate moneantur ante receptionem habitus, & etiam ante professionem, quod si habent aliquid ex impedimentis in hoc numero enarratis, professio (etiam si fiat) invalida, & nulla est, quamvis pluribus annis in Religione sint.*

Clausula.

VIII.

Dar. 1. Martii 1692. An. 1.

Constitutiones a quo confirmatae, & particula prædicta.